

## Script of Morning Gojri News Bulletin 07 October 2024 at 1015Hrs

ما رڙينگ گو جری نیو ز بلیٹن مو رخہ 07 اکتوبر 2024

\*\*\*\*\*

یوہ آکا شوانی جموں بے محمد مبارک ماہرتیں خبر سُنو۔

### PM Maldives Prez Talk

وزیر اعظم نریندرمو دی اج نوی دہلی مانہہ مالدیپ گا صدر ڈاکٹر محمد معیزو غے نال باہمی مفاد غا دو طرفہ علاقائی تے بین القوامی مسئلاں ور گل بات کریں گا۔ ملاقات تون بعد دوہاں مُلکان غے بشکا رُچ سارا معابداں ور مفاہمت ناماں غی وی اُمید بے۔ گل بات تیں پہلاں مالدیپ غا صدر غو راشٹر پتی بھون مانہہ اک رسمی استقبال کیو جائے گو۔ اس تیں بعد اج وے راج گھاٹ وی جا تیں گا اور مہا تما گاندھی نانہہ خراج عقیدت پیش کریں گا۔ مالدیپ غا صدر، صدر جمہو ریہ دروپی دُرمو، نائب صدر جمہو ریہ جگدیپ دھنکر سنگ وی ملاقات کریں گا۔ ڈاکٹر معیزو پلک آگرہ تے ممبئی جد کہ بدھاریں بنگلورو غو دورو کریں گا۔ واضح رہے جے وے بھارت غا 5 روزہ دورہ ور کل دہلی پُجیا تھا۔ واضح رہے جے یوہ صدر ڈاکٹر معیزو گو بندو ستان غو پہلو دو طرفہ دورو بے۔ اس تیں پہلاں وے اسے سال جون مہینہ مانہہ وزیر اعظم نریندرمو دی تے اُن غا وزیراں غی کونسل غی تقریب حلف برداری مانہہ شرکت واسطے آیا تھا۔ مالدیپ بحر بند غا علاقہ مانہہ بندوستان غو کلیدی سمندری گوانڈی بے اور وزیر اعظم غا ساگر غا نظریہ تے بندوستان غی گونڈی پہلاں پالیسی مانہہ اک خاص مقام رکھے۔

\*\*\*\*\*

### JK Counting

جموں کشمیر غی 90 رُکنی اسمبلی حلقاں مانہہ چناؤ لڑن آلا 873 اُمید واراں غا سیا سی مستقبل غو اعلان پلک بریانہ غا اسمبلی انتخابات غی گنتری غے نال کیو جائے گو۔ جموں کشمیر مانہہ اسمبلی انتخابات غا ووٹاں غی گنتری غا سلسلہ مانہہ 20 مرکز قائم کیا گیا۔ جموں کشمیر مانہہ ووٹاں غی گنتری غا سلسلہ مانہہ بڑا پیمانہ ور انتظامات کیا گیا ہیں۔ مذکورہ انتخابات نے سال 2019 مانہہ دفعہ 370 تے 35 اے غی منسوخی تیں بعد جموں کشمیر مانہہ پہلی چُنی گئی سرکار غو رستو بنایو بے۔ لوکاں نے اس مانہہ بڑا جوش تے جذبہ اور بدھ چڑھ غے حصو ليو اور جمہو ریت گا تہوار مانہہ اپنی حصہ داری بہائی۔ جموں کشمیر غا اعلیٰ چناؤ افسر پی کے پولے نے کہیو بے کہ پلک بون آلی ووٹاں غی گنتری نانہہ محفوظ تے بموار بنان خاطر تمام ضروری بندو بست مکمل کر لیا گیا ہیں۔ جموں کشمیر مانہہ مرکز غے زیر انتظام علاقو بنایا جان تون بعد پہلی واری بون آلا انتخابات مانہہ 63 عشاریہ 45 فیصد ووٹ کہلپا گیا جھپڑا کے سال 2014 غا اسمبلی انتخابات مانہہ درج کیا گیا 65 عشاریہ 52 فیصد تیں کہٹ ہیں۔ جموں کشمیر سرکار نے ووٹاں غی گنتری گا سلسلہ مانہہ جموں مانہہ 3 تعلیمی اداراں غا بند رکھن غو حکم صادر کیو بے۔

\*\*\*\*\*

### Counting Preparation

قانون ساز اسمبلی غا عام انتخابات با رے پلک بون آلا ووٹاں غی گنتری گا سلسلہ مانہہ خطہ جموں  
غا 10 ضلعان مانہہ اسمبلی حلقاں با رے عملہ غی ترتیب نانہہ بھارتیہ چناؤ کمیشن غا رنما  
خطوط غے مطابق کامیابی نال کل انجام دے دتو گیو ہے۔ یوہ عمل جموں، سانہہ، کٹھوعہ، ریاسی،  
اُدھم پور، راجو ری، پونچھ، رامبن، ڈوڈہ تے کشتواڑ غا 43 اسمبلی حلقاں غی گنتری غا سلسلہ مانہہ  
کیو گیو۔ اس موقعہ ور بھارتیہ چناؤ کمیشن غا رنما خطوط نانہہ دیکھتاں واں ترتیب وقف سافت  
وئیر غو استعمال کرتاں واں، گنتری عملہ غا انتخاب مانہہ غیر جانبداری نانہہ یقینی بنا یو گیو۔ اور نال  
بی مکمل شفافیت برقرار رکھن با رے ہر قدم غا طریقہ کار غی ویڈیو بنائی گئی۔ اس گل ور لو کہلتاں  
واں ضلع چناؤ افسراں نے دسیو جے عملہ نانہہ ضروری معلومات تے واقفیت سنگ آراستہ کرن  
خاطر مناسب انتظام کیا گیا ہیں۔ تانجے گنتری گا عمل نانہہ ہموار تے سوہنی طرح انجام دتو جا سکے۔

\*\*\*\*\*

### Counting Institutions

جموں کشمیر سرکار نے اعلان کیو ہے کہ جموں مانہہ 3 تعلیمی ادارہ 8/7/ سے 9 اکتوبر نانہہ بند  
ریں گا۔ کیونجے وے حال ہی مانہہ ختم بون آلا قانون ساز اسمبلی غا انتخابات واسطے ووٹاں غی  
گنتری با رے جگہ غا طو رکم کریں گا۔ متاثر اداراں مانہہ پدم شری پدما سچدیو کالج برائے خواتین  
گا ندھی نگر، گو رنمنٹ ایم اے ایم کالج جموں تے گو رنمنٹ پولیٹیکنک کالج وکرم چوک شامل ہیں۔  
اس با رے اک سرکار حکمنامہ مانہہ وضاحت کی گئی ہے۔

\*\*\*\*\*

### Prominent Candidates

جموں کشمیر غا سابق وزیر اعلیٰ تے نیشنل کانفرنس رنما عمر عبداللہ سمیت کئی سابق وزیراں  
غی قسمت غو اعلان پلک کیو جا ئے گو۔ عمر عبداللہ جموں کشمیر غا بدگام تے گاندربل اسمبلی  
حلقاں وچوں انتخاب لڑ ریا ہیں۔ جد کہ دوجا منیا پڑمنیا اُمید واراں مانہہ سابق نائب وزیر اعلیٰ مظفر  
حسین بیگ تے تارا چند، سابق وزیر رمن بہلا، یو گیش ساہنی، مولا رام، یسپال کُنڈل، شبیر احمد  
خان، سنیل شرما، شکتی راج پر بہار، وقار رسول وانی، چودھری لال سنگھ، ہر ش دیو سنگھ، سجاد  
غنی لون، غلام احمد میر شامل ہیں۔ دوجا منیا پڑمنیا چہراں مانہہ بی جے پی غا ربا ستی صدر  
رویندر رینہ، کانگریس غا صدر طارق حمید قراہ، پی ڈی پی غا ربنماواں وچوں وحید پرے تے التجا  
مفتی، اپنی پارٹی غا صدر الطاف بخاری، سی پی آئی ایم غا معروف رنما محمد یوسف تارگامی  
شامل ہیں۔

\*\*\*\*\*

### Swasth Bharat

لوکاں غا تحفظ تے تحفظ فراہم کران غا اپنا اصولاں ور قائم رہن آلی بھارتی فوج نے ضلع پونچھ مانہہ پریشہ غا دور دراز علاقہ بچہ دیکھ بھال ادارو منگناڑ مانہہ اک طبی کیمپ غو انعقاد کیو۔ اس کیمپ غو مقصد سماج غا پچھڑیا تے لسا طبقات نانہہ مفت طبی دیکھ بھال تے دوائی بندنو تھو۔ یہ علاقہ عام طور ور سڑکاں تیں دور تے خاص طور ور سردیاں مانہہ مناسب طبی دیکھ بھال غی کمی غو سامنو کریں۔ اس علاقہ غا لوکاں تک طبی تے صحت غی دیکھ بھال غی خدمات نانہہ بدھان غا سلسلہ مانہہ طبی گشت غی شکل مانہہ اک رسائی پروگرام شروع کیو گیو ہے۔ جس مانہہ مفت طبی دیکھ بھال تیں علاوہ عام بیماریاں تے موسمی بیماریاں غے نال نال مال چوکھراں واسطے بنیا دی دوا وی فراہم کی گئیں۔

\*\*\*\*\*